



FRÉTTABRÉF BSSL

EFNI BRÉFSINS:

KÝR 2006	1
Sauðfjárþændur ath. Vorupplýsingar til BÍ	1
Reglur um gripagreiðslur	2
Dæmi um útfærslur á gripagreiðslum	2
Síðsumarsýning kynbóta- hrossa á Gaddstaðfl.	3
Útflutningsskilda kindakjöts	3
Skil á heysýnum	3
Aukning í greiðslumarki mjólkur	3

Á DÖFINNI:

- 14.-18. ágúst:
Síðsumarsýning á Helli
- 26. ágúst:
Kúasýning í Ölfushöllinni

KÝR 2006

Nú líður óðum að kúasýningunni KÝR 2006 sem haldin verður laugardaginn 26. ágúst nk. í Ölfushöllinni að Ingólfshvoli. Síðasta sýning fyrir tveimur árum tókst með ágætum og er vonandi að svo verði einnig nú. Nú er um að gera að fara að huga að þjálfun gripa fyrir sýninguna en gert er ráð fyrir sömu sýningarflokkum og síðast en þeir voru:

- * Kálfar, sýnendur 11 ára og yngri
- * Kálfar, sýnendur 12 ára og eldri
- * Holdagripir
- * Fyrsta kálfs kvígur
- * Mjólkurkúr

Hægt er að tilkynna um þátttöku til Búnaðarsambandsins í síma 480 1800 eða á netfangið mundi@bssl.is. Varðandi

sýningu á kálfum eru það tilmæli okkar að kálfar yngri en þriggja mánaða komi ekki til sýningar þar sem þeir hafa ekki tekið út nægan þroska og skortir oftast nokkuð holdfyllingu til þess að geta talist fallegir sýningargripir.

Að venju munum við senda út óskir um sýningu á ákveðnum kúm og kvígum sem hlotið hafa útlitsdóm en þó er öllum heimilt að mæta með þá gripi sem þeir vilja. Það er von okkar að þátttaka verði ekki lakari nú en á undanförunum sýningum og að það takist að gera KÝR 2006 að skemmtilegum viðburði sem bæði bætir og eflir ímynd mjólkurframleiðslunnar auk þess að styrkja faglegan og félagslegan grunn nautgriparæktarinnar.

Sauðfjárþændur - athugið

Vorupplýsingar til Bændasamtaka Íslands fyrir 20 ágúst.

Bændur sem eru í skýrsluhaldi og þeir sem eru að byrja í skýrsluhaldi eru hvattir til að skila vorupplýsingum til BÍ. Það er mikið vinnuhagræði af því bæði fyrir bóndann og einnig Búnaðarsambönd.

* Bóndinn fær til baka svokallaða LAMBABÓK þar sem lömbin eru í númeraröð. Í lambabókna er hægt er að skrá allar haustupplýsingar og jafnframt eru upplýsingar um ætterni þeirra, lit og fæðingardag. Einnig fá öll lömb ætterniseinkunn, bæði hvað varðar frjósemi og afurðarsemi.
* Það er mikil vinnuhagræðing við skráningar á haustin fyrir Búnaðarsambönd

ef vorupplýsingum er skilað til BÍ og mun minni hætta á villum varðandi ætterni lamba.

* Skila þarf inn vorupplýsingum ef bóndi óskar eftir því að unnin verði afkvæmarannsókn fyrir búíð.

Fjárnóttum skal skila á skrifstofu Búnaðarsambandsins á Selfossi Austurvegi 1, Hvolsvelli Austurvegi 4, Klaustri Klausturvegi 2 eða Höfn Litlubru 2, Nýheimum. Nánari upplýsingar varðandi skýrsluhald er hægt að nálgast hjá Búnaðarsambandi Suðurlands í síma 480 1800.

Reglugerð um gripagreiðslur

Reglugerð um gripagreiðslur hefur verið gefin út og samkvæmt henni hefjast gripagreiðslur 1. nóvember nk. fyrir mánuðina september, október og nóvember. Á komandi verðlagsári verður 396 milljónum króna varið til gripagreiðslna m.v. vísitölu neysluverðs í janúar 2004. Þessi upphæð er því nokkru hærrí á verðlagi dagsins í dag, og má ætla að greiðsla á hvern grip geti numið um 17-18 þús. krónum. Samkvæmt því sem segir í reglugerðinni fer hlutdeild hvers framleiðanda í heildarframlagi til gripagreiðslna á hverju verðlagsári eftir fjölda árskúa hans. Við ákvörðun á fjölda árskúa verður fyrsta viðmiðunartímabilið 1. september 2005 til 31. ágúst 2006. Síðan verður fjöldi árskúa uppfærður á fjögurra mánaða fresti og breytingar á gripagreiðslum taka gildi tveimur mánuðum eftir þá uppfærslu. Gripagreiðslur skerðast ef fjöldi árskúa á lögbýli er yfir þeim mörkum sem að neðan greinir, samkvæmt eftirfarandi:

Árskýr Hlutfall af óskertri greiðslu

1 - 40	100%
41 - 60	75%
61 - 80	50%
81 - 100	25%
101 og fleiri	0%

Ef fjöldi árskúa á lögbýli fer yfir 170 skerðast heildargripagreiðslur um 25% fyrir hverjar 10 árskýr sem umfram eru, þannig að bú með fleiri en 200 árskýr nýtur ekki gripagreiðslna, eins og sjá má á eftirfarandi töflu:

Árskýr Skerðing á heildargripagreiðslum

>170 - 180	25%
>180 - 190	50%
>190 - 200	75%
fleiri en 200	100%

Samkvæmt upplýsingum úr einstaklingsmerkingakerfinu MARK og frá búfjáreffirliti er ljóst að enn vantar lítilsháttar upp á að allir bændur hafi skilað fullnægjandi upplýsingum. Aðeins þeir sem skila fullnægjandi upplýsingum í tíma geta vænst þess að fá greiðslur. Það er því full ástæða fyrir bændur sem þetta á við um, að huga að þessum málum sem fyrst.

Einnig er þeim sem rétt eiga á gripagreiðslum en eru ekki handhafa greiðslumarks í mjólk bent á að þeir þurfa að sækja sérstaklega um þær.

Nánari upplýsingar má fá hjá Búnaðarsambandinu eða Bændasamtökum Íslands.

Dæmi um útfærslur á gripagreiðslum

Eins og fram kemur á öðrum stað í Fréttabréfinu hefur verið gefin út reglugerð af landbúnaðarráðuneytinu varðandi gripagreiðslur til kúabænda. Á þessu stigi er erfitt að segja til um það hver meðalgreiðsla á kú verður en heildarfjöldi kúa í landinu er væntanlega um 25.000 og upphæðin sem ætluð er í gripagreiðslur samkvæmt samningi um starfsskilyrði mjólkurframleiðslunnar er 396 milljónir króna á fyrsta ári greiðslna eða sem nemur 10% af heildarstuðningi til kúabænda. Þessi upphæð er verðtryggð miðað við vísitölu neysluverðs í janúar 2004 sem var þá 230 stig en var í júní sl. 261,9. Miðað við þessar forsendur er ekki ólíklegt að heildargreiðsla á kú verði í kringum 18.000 kr til að byrja með á ársgrunni.

Hvernig þetta kemur út á einstökum búum fer eftir þeim kúafjölda sem er á hverju búi. Hér á eftir er þetta reiknað út frá þremur mismunandi bústærðum miðað við fjölda kúa. Rétt er að geta þess að fyrstu 40 kýrnar fá alltaf fulla greiðslu að 170 kúum.

Þannig fær bú sem er með t.d. 30 kýr fullar greiðslur, bú með 55 kýr fær fullar greiðslur vegna fyrstu 40 og síðan 75% af næstu 15 kúnum.

Bú með 76 kýr fær fullar greiðslur fyrir fyrstu 40, 75% greiðslur fyrir 20 næstu kýr og loks 50% greiðslur fyrir síðustu 16 kýrnar. Sjá meðfylgjandi töflu.

Áhrif gripagreiðslna eftir bústærð, krónur á ári

Fj. kúa	Án skerðingar	Með skerðingu	Mismunur	Hlutfall	Greiðsla á kú
30	541.110	541.110	0	0%	18.037
55	992.035	924.396	67.639	7%	16.807
76	1.370.812	1.136.331	234.481	17%	14.952

Sjá má gróflga hvernig greiðslur skerðast eftir bústærð í þessu dæmi. Rétt er að geta þess að þetta er dæmi sem tekið er miðað við ákveðnar forsendur varðandi heildarfjölda kúa í landinu og ákveðna krónutölu miðað við neysluverðsvísitölu í júní sl. Hversu háar greiðslur verða í raun fer eftir hversu margir bændur verða með upplýsingar sínar um gripafjölda skráðar í gangagrunninum MARK og hins vegar hver vísitalan verður þegar byrjað verður að borga eftir samningnum.

Síðsumarsýning kynbótahrossa á Gaddstaðafötum

Síðsumarsýning kynbótahrossa á Gaddstaðafötum hefst mánudaginn 14. ágúst og lýkur föstudaginn 18. ágúst með yfirlits-sýningu. Ef þátttaka verður meiri en búist er við verður bætt við dögum. Tekið verður við skráningum dagana 2. til 8. ágúst á skrifstofu Búnaðarsambandsins í síma 480-1800. Einnig er hægt að skrá hross til sýningar á heimasíðu Búnaðarsambandsins, www.bssl.is. Sýningargjöld verða 10.500 kr. Hafi greiðsla ekki borist í síðasta lagi í lok dags 8. ágúst er viðkomandi hross ekki skráð á mótið. Sýningargjöld er hægt að greiða á skrifstofu Búnaðarsambandsins að Austurvegi 1 á Selfossi eða inn á reikning nr. 0152-26-1618, kt: 490169-6609. Ef greitt er í banka er mikilvægt að biðja bankann um að faxes strax greiðsluvittun til Búnaðarsambandsins, faxnúmerið er 480-1818. Ef greitt er í gegnum netbanka vinsamlegast sendið greiðsluvittun á netfangið halla@bssl.is. Hægt er að greiða sýningargjöldin með kreditkort. Endurgreiðsla á sýningargjöldum kemur aðeins til greina ef látið er vita um forföll áður en dómur hefst, þ.e. fyrir 14. ágúst. Í sambandi við úthlutun á tímum til knapa verður viðhaft sama fyrirkomulag og undanfarin ár þ.e. að skráningum loknum verður

knöpum úthlutað tímum. Aðeins hross sem greitt hefur verið fyrir fá tíma. Tímunum verður dreift eins og kostur er. Röðun knapa í hverju holli verður birt á heimasíðu Búnaðarsambands Suðurlands www.bssl.is fyrir sýningu. Að þessu sinni verða tvær dómnefndir að störfum í einu og verður gaman að sjá hvernig það kemur út. Að gefnu tilefni skal það tekið fram að það er ófrávikjanleg regla að búið sé að taka blóðprufu úr öllum stóðhestum sem koma til dóms, jafnt ungfolum sem eldri hestum. Í því skyni að draga úr tíðni spatts skal röntgenmynda alla stóðhesta sem náð hafa 5 vetra aldri og koma til dóms. Hestar sem fæddir eru árið 1998 og fyrr falla ekki undir fyrrgreindar reglur þar sem sannað er að tíðni spatts er aldurstengd, þ.e. hestar sem voru 7 vetra, eða eldri, á því ári sem röntgenmyndataka varð að reglu (2005) skulu undanþegnir kröfunni. Afhenda verður dómnefnd vottorð um að búið sé að mynda viðkomandi hest að öðrum kosti verður hesturinn ekki dæmdur. Öll hross sem koma til dóms verða að vera einstaklingsmerkt, þ.e. frost- eða örmerkt. Varðandi reglur um kynbótasýningar er þann fróðleik að finna á heimasíðu Búnaðarsambandsins www.bssl.is.

Halla Eygló Sveinsdóttir

Útflutningsskylda kindakjöts

Landbúnaðarráðherra hefur ákveðið útflutningshlutfall kindakjöts af fé sem slátrað verður árin 2006-2007 að fengnum tillögum Bændasamtaka Íslands. Útflutningsskyldan verður sem hér segir: Af dilkakjöti af fé sem slátrað er á tímabilinu 1. júlí til 9. september og eftir 12. nóvember 2006 er hlutfallið 4% en af fé sem slátrað er á tímanum 10. september til 11. nóvember 2006 er hlutfallið 10%. Hlutfallið af kjöti af fullorðnu fé er 0% allan tímann.

Aukning í greiðslumarki mjólkur

Landbúnaðarráðuneytið gaf út í byrjun júlí reglugerð um greiðslumark mjólkur og beingreiðslur til bænda fyrir verðlagsárið 2006-2007. Samkvæmt reglugerðinni verður heildargreiðslumark mjólkur aukið um 5 milljón lítra frá yfirstandandi verðlagsári eða í 116 milljónir lítra. Þetta er 4,5% aukning. Dæmi um aukninguna sem verður má nefna að bú með 200.000 lítra greiðslumark á verðlagsárinu 2005/2006 verður með um 209.000 lítra eftir 1.sept. 2006. Hins vegar er rétt að nefna það í þessu sambandi að beingreiðslur á hvern lítra mjólkur aukast ekki, heldur lækka beingreiðslur pr. lítra sem aukningunni nemur. Hins vegar er tryggt fullt afurðastöðvarverð fyrir þessa aukningu í greiðslumarki. Þá er rétt að benda á að frá og með 1. september n.k. lækka beingreiðslur mjólkur um 10%. Þann 1. nóvember n.k. verður síðan byrjað að greiða gripagreiðslur til þeirra sem eiga einstaklingsmerktar og skráðar kýr sem hafa borið.

Rúnólfur Sigursveinsson

Skil á heysýnum

Þeir bændur sem ekki hafa skilað inn hirðingarsýnum úr 1.slætti til Búnaðarsambandsins eru hvattir til að gera það sem fyrst, því fyrr sem sýnin fara í efnagreiningu, því fyrr koma niðurstöður.

Lupro-Grain® Própíonsýra

Til verkunar og geymslu korns



Ómeðhöndlað bygg eftir 4 vikna geymslu (25% rakainnihald).



Bygg meðhöndlað með própíonsýru eftir 4 vikna geymslu (25% rakainnihald).

- Sýrustig pH 4,4
- Ekki ætandi – minni lykt
- 70 sinnum minni tæring á vélum
- Má flytja án sérstakra réttinda

**Umbúðir: 210 kg tunnur
1000 kg tankar**



www.fodur.is
FB Reykjavík - sími: 570 9800
FB Selfossi - sími: 482 3767

FB Hvolsvelli - sími: 487 8413
FB Egilsstöðum - sími: 570 9860

www.aburdur.is
Sími: 580 3200
Fax: 580 3209